

古事類苑

方技部十三

醫術四

病理

〔萬葉集雜五〕沈痾自哀文

山上憶良作略○中

志怪記云、廣平前大守、北海徐玄方之女、年十八歲而死、其靈謂馮馬子曰、案我生錄、當壽八十餘歲、今為妖鬼所枉殺、已經四年、此過馮馬子、乃得更活、是也、內教云、膽浮洲人壽百二十歲、謹案此數、非必不得過此、故壽延經云、有比丘名曰難達、臨命終時、詣佛請壽、則延十八年、但善為者、天地相畢、其壽天者、業報所招、隨其修短而為半也、未盈斯算而過死去、故曰未半也、任徵君曰、病從口入、故君子節其飲食、由斯言之、人遇疾病、不必妖鬼、夫醫方諸家之廣說、飲食禁忌之厚訓、知易行難之鈍情、三者盈目滿耳、由來久矣、抱朴子曰、人但不知其當死之日、故不憂耳、若誠知羽翮可得、延期者、必將為之、以此而觀、乃知我病蓋斯飲、食所招、而不能自治者乎、

〔醫心方〕諸病不治證第二

醫門方云、論曰、夫人有病、皆起於藏、府、生死之候、乃見於容、色、猶如影響、報應、必不差違、

〔醫心方〕治病大體第一略○中

大素經云、黃帝問於岐伯曰、醫之治病也、一病而治、各不同、皆愈、何也、岐伯曰、地勢使然、故東方之域、天地之法始生也、魚鹽之地、濱海傍水、其民食魚而嗜醢、魚者使人熱中、鹽者勝血、故其民皆黑色、疎理、故其病為癰瘍、其治宜、紀石、紀石者、亦出從東方來、西方者、金玉之域、沙石之處也、天地之所收引也、其